

**UDRUŽENJE POSLODAVACA U FBIH
SARAJEVO**

Z A P I S N I K

sa **34. redovne proširene sjednice UO Udruženja poslodavaca u FBIH**, održane dana **13.01.2016 godine (srijeda)**, sa početkom u 12:00 časova u hotelu „Bosnia“ (Kulovića 9.) u Sarajevu.

Sjednici su prisustvovali članovi U.O.: Safudin Čengiđ, Midhat Terzić, Šaban Rizvić, Vejsil Huremović, Hamed Šivšić, Milenko Čolak, Adisa Karahodžić (zamjena za Muharem Sejdić), Sedžida Buljubašić (zamjena za Rasim Salčinović), Nurdin Peštalić, Haris Muslić, Suhad Ećo, Eldin Hadžiselimović i Adis Hasaković (zamjena za Rusmir Hrvić).

Sjednici nisu prisustvovali članovi U.O.: Enisa Bekto, Josip Milas, Vilim Primorac, Predrag Čović, Ramiz Grapkić, Tomislav Benković i Ante Suton.

Sjednici su pored članova UO i ESV-a prisustvovali i predsjednici Grupacija poslodavaca pri UPFbiH te privrednici sa Kantona Sarajevo.

Ispred UP FBIH: Mladen Pandurević i Mersiha Jusić.

Predsjednik U.O. je pozdravio prisutne i predložio sljedeći:

DNEVNI RED:

1. Usvajanje zapisnika sa 33. proširene sjednice Upravnog odbora i I vanredne sjednice UO UP FBIH;
2. Informacija o Rješenju Vlade o ukidanju Rješenja o utvrđivanju reprezentativnosti Udruženja poslodavaca FBiH;
3. Razmatranje i donošenje Odluke o angažovanju revizorske kuće za izradu revizorskog izvještaja;
4. Tekuća pitanja

RASPRAVA PO TAČKAMA DNEVNOG REDA

Tačka 1. Razmatranje i usvajanje zapisnika sa 33. proširene sjednice UO i I vanredne sjednice Upravnog odbora

Predsjednik je napomenuo da su svi dobili zapisnike u materijalima i zamolio prisutne da daju svoje primjedbe. Obzirom da nije bilo primjedbi predsjednik je zapisnik stavio na glasanje.

Zaključak: Zapisnik sa 33. proširene sjednice i I vanredne sjednice UO su jednoglasno usvojeni u predloženom obliku.

Takča 2. Informacija o Rješenju Vlade o ukidanju Rješenja o utvrđivanju reprezentativnosti Udruženja poslodavaca FBiH;

Gospodin Mladen Pandurević je kratko upoznao prisutne sa proteklim događajima vezano za Rješenje Vlade o ukidanju Rješenja o utvrđivanju reprezentativnosti Udruženja poslodavaca u FBiH.

Naime, Federalno Ministarstvo rada i socijalne politike je 21.12.2015. godine donijelo Rješenje o reprezentativnosti Udruženja poslodavaca u FBiH na osnovu zahtjeva UPFBiH i potrebne dokumentacije koju je UPFBiH dostavilo prema uputama sa sastanka koji je održan između predstavnika Ministarstva i UPFBiH. Dakle, UPFBiH je postupilo u skladu sa Zakonom.

Vlada Federacije BiH je 06.01.2016 godine donijela Rješenje broj: 03-02-21/2016 o ukidanju po pravu nadzora Rješenja Federalnog Ministarstva rada i socijalne politike o utvrđivanju reprezentativnosti Udruženja poslodavca Federacije BiH od 21.12.2015. godine. Navedeno Rješenje Vlade Federacije BiH je ukinula po pravu nadzora navodeći u obrazloženju da je prilikom donošenja rješenja došlo do pogrešne primjene materijalnih propisa.

UPFBiH smatra da je Rješenje Vlade potpuno nezakonito i u suprotnosti sa članom 260. Zakona o upravnom postupku („Službene novine Federacije BiH“ broj 2/98 i 48/99).

Udruženje poslodavaca u Federaciji BiH je osnovano i upisano u Registar Udruženja kod Ministarstva pravde FBiH pod registarskim brojem 567 Knjiga I Registra dana 14.02.2002. godine broj 04-06-1-457/02 i jedina je registrovana organizacija poslodavaca na nivou Federacije BiH.

Udruženje ima preko 23. 000 pojedinačnih i kolektivnih članova (broj članova se stalno mijenja naročito kod kolektivnih članova). Članovi Udruženja zapošljavaju preko 110 000 zaposlenih u Federaciji Bosne i Hercegovine, što iznosi više od 40 % od ukupnog broja zaposlenih u realnom sektoru na teritoriju Federacije BiH.

Udruženje poslodavca je dobrovoljna, nezavisna i neprofitna organizacija poslodavaca koja se finansira isključivo iz članarine i projekata.

Prema članu 128 Zakona o radu FBiH („ Službene novine FBiH broj 62/15) Udruženje poslodavaca u FBiH smatra se reprezentativnim ukoliko ispunjava sljedeće uslove:

- a. ako je upisano u registar u skladu sa zakonom;
- b. ako ima potreban broj članova;
- c. ako se finansira pretežno iz članarina i drugih vlastitih izvora.

(2) Reprezentativnim udruženjem poslodavaca u smislu stava 1. ovog člana smatra se udruženje poslodavaca čiji članovi zapošljavaju najmanje 20% od ukupnog broja zaposlenih u privredi na teritoriju Federacije, odnosno području kantona.

Shodno navedenom a imajući u vidu da je Udruženje poslodavaca registrovano kod nadležnog ministarstva, da broji preko 23.000 pojedinačnih i kolektivnih članica koje zapošljavaju preko 110 000 zaposlenih na teritoriji FBiH, što iznosi preko 40% od ukupnog broja zaposlenih te da se finansira isključivo iz članarine time ispunjava uslove za

reprezentativnost u skladu sa članom 128. Zakona o radu FBiH.

Nakon uvoda gđina. Pandurevića Predsjednik je otvorio raspravu.

U raspravi su učestvovali Milenko Čolak, Sead Terzić, Senid Gerin, Hamed Šivšić, Ibrahim Meškić i drugi. Svi prisutni su se složili da je sasvim nelogično da UPFBiH dokazuje svoju reprezentativnost nakon 14. godina postojanja. Jedino je Udruženje koje je registrovano na teritoriju FBiH, koje je potpisnik Sporazuma o ESV-u, potpisnik Općeg kolektivnog ugovora za teritoriju FBiH iz 2005. godine te da je do sada bilo socijani partner Vladi i Sindikatu. Također istakli su da stručna služba UPFBiH u saradnji sa službama kolektivnih članica u što kraćem roku trebaju pripremiti svu potrebnu dokumentaciju kojom ćemo dokazati našu reprezentativnost.

Gđin. Mladen Pandurević je istakao da je sa Ministarstvom za rad i socijalnu politiku zakazan sastanak na kojem će se razgovarati o reprezentativnosti.

Nakon diskusije jednoglasno su usvojeni sljedeći:

Zaključci:

1. Udruženje poslodavaca FBiH je iznenađeno postupcima Vlade FBiH o donošenju Rješenja o ukidanju po pravu nadzora Rješenja Federalnog Ministarstva rada i socijalne politike o utvrđivanju reprezentativnosti Udruženja poslodavca Federacije BiH od 21.12.2015. godine. Navedeno Rješenje Vlade Federacije BiH je potpuno nezakonito i u suprotnosti sa članom 260. Zakona o upravnom postupku („Službene novine Federacije BiH“ broj 2/98 i 48/99). Za UPFBiH je iznenađujuće i neprihvatljiv, da se nakon 14. godina postojanja UPFBiH, koje je od samog početka legitimni socijalni partner Vladi FBiH i SSSBiH u vođenju socijalnog dijaloga, ovakav stav Vlade koji je u suprotnosti sa svim dosadašnjim aktivnostima.
2. UPFBiH će u narednom periodu nastaviti razgovore sa predstavnicima Ministarstva za rad i socijalnu politiku i Vladom FBiH vezano za rješavanje pitanja reprezentativnosti UPFBiH, te na bazi argumenta dokazati da ispunjava uslove za reprezentativnost u skladu sa članom 128 Zakona o radu.
3. Ovlašćuje se direktor UPFBiH da ukoliko se ne dobije reprezentativnost, pripremi svu potrebnu dokumentaciju i angažuje advokatsku kancelariju da pokrene upravni spor protiv Rješenja Vlade FBiH.

Tačka 3. Razmatranje i donošenje Odluke o angažovanju revizorske kuće za izradu revizorskog izvještaja;

Gđin. Pandurević je zatražio da se napravi revizija poslovanja da imamo i taj dokaz da

Udruženje posluje u skladu sa Zakonima.

Nakon diskusije jednoglasno je usvojen sljedeći:

Zaključak: Ovlašćuje se direktor UPFBiH da u skladu sa važećim Zakonima odabere revizorsku kuću za izradu revizorskog izvještaja te da o izboru i Odluci obavijesti UO na sljedećoj sjednici.

Tačka 4. Tekuća pitanja

Pod tekućim pitanjima raspravljalo se o dopisu Grupacije poslodavaca TK vezano za Opći kolektivni ugovor za teritoriju FBiH, te o proteklim aktivnostima vezano za potpisivanje OKU.

Gdin. Čengić je upozano prisutne sa dopisom Gruapcije poslodavaca TK vezano za potpisivanj OKU kao i o svim dosadašnjim aktivnostima koje su preduzete od starne rukovodstav UPFBiH a povodom potpisivanja OKU.

U diskusiji su učestvovali svi prisutni. Nakon diskusije je donesen sljedeći:

Zaključak:

Vođenje pregovoria za zaključivanje OKU nikako se ne mogu vartiti na početak. UPFBiH neće pristupiti zaključivanju Općeg kolektivnog Ugovora sve dok se ne rješi pitanje reprezentativnosti Udruženje poslodavaca u FBiH, odnosno sve dok se od Minisatrstva ponovno ne dobije Rješenje o reprezentativnosti. Također je zaključeno da će se u narednom periodu učiniti svi naponi da se na osnovu argumentacije dokaže reprezentativnost Udruženja poslodavaca u FBiH. UPFBiH će također u narednih mjesec dana preduzeti sve potrebne aktivnosti da se nakon dobijanja reprezenativnosti OKU i potpiše.

Planirano vrijeme sjednice 2 sata.

PREDSJEDNIK UPRAVNOG ODBORA
mr.sc. Čengić Safudin